



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Finance**

Broj: 08-01-11-9381/25 MD  
Sarajevo, 07.04.2025. godine

## ***SVIM BUDŽETSKIM KORISNICIMA***

**Predmet:** Obavijest o Budžetskim instrukcijama br. 1. za izradu Dokumenta okvirnog budžeta za period 2026.-2028. godina (Preliminarni nacrt srednjoročnog budžeta) i rokovima za izradu Budžeta Kantona Sarajevo za 2026. godinu;

Na osnovu člana 15. stav (1) Zakona o budžetima u Federaciji BiH („Službene novine FBiH“, br.: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), Ministarstvo finansija Kantona Sarajevo dostavlja budžetskim korisnicima Kantona Sarajevo Budžetske instrukcije br. 1. za izradu Dokumenta okvirnog budžeta za period 2026.-2028. godina (Preliminarni nacrt srednjoročnog budžeta) i rokove za izradu Budžeta Kantona Sarajevo za 2026. godinu.

Na web stranici Ministarstva finansija Kantona Sarajevo <http://mf.ks.gov.ba/> pod nazivom „Izrada DOB-a 2026.-2028. godina“ preuzimaju se Budžetske instrukcije br. 1. za izradu Dokumenta okvirnog budžeta za period 2026.-2028. godina (Preliminarni nacrt srednjoročnog budžeta) i rokovi za izradu Budžeta Kantona Sarajevo za 2026. godinu.

S obzirom da će se izrada Dokumenta okvirnog budžeta za period 2026.-2028. godina vršiti u softverskoj aplikaciji eBudget, obavještavamo vas da je u istoj otvoren budžetski ciklus „Dokument okvirnog budžeta Kantona Sarajevo 2026.-2028.“, te možete pristupiti izradi budžetskih zahtjeva.

**Napominjemo da su svi budžetski korisnici obavezni popuniti excel tabelu 1. Dokument okvirnog budžeta 2026.-2028. godina koja se nalazi na web stranici u dokumentaciji „Izrada DOB-a 2026.-2028. godina“. Istu je potrebno potpisanu dostaviti Ministarstvu finansija KS u pisanoj i elektronskoj formi.**

Ministarstva koja u okviru svog razdjela imaju potrošačke jedinice (fakulteti, instituti, škole ustanove kulture, ustanove socijalne zaštite itd.), obavezna su im proslijediti ovu obavjest, kao i objediniti zahtjeve i objedinjene dostaviti Ministarstvu finansija putem aplikacije eBudget i ovjerene u pisanoj formi.

U 2022. godini u organizaciji USAID-a organizovana je tehnička pomoć resornim ministarstvima i korisnicima u Kantonu Sarajevo u definisanju budžetskih programa i indikatora. Projekat je obuhvatao pregled ključnih koncepata u programskom budžetiranju i nove metodologije programskog budžetiranja u FBiH i način povezivanja sa strateškim planiranjem. Projekat je prezentovao predloženu strukturu budžetskih programa i indikatora učinaka za svako resorno ministarstvo i određene organizacione jedinice.

**Potrebno je da budžetski korisnici Kantona Sarajevo prilagode svoje programe i sve dijelove programa kao što su: ciljevi programa, aktivnosti programa i indikatore sa predloženim programima i indikatorima koje je resorno ministarstvo zajedno sa Ministarstvom finansija komuniciralo u sklopu navedenog projekta.**

Sve izmjene u nazivima programa u eBudget aplikaciji izvršiti u saradnji sa Ministarstvom finansija. Uz zahtjev za DOB potrebno je dostaviti Ministarstvu finansija i kopiju popunjenih IP obrazaca za projekte iz Programa javnih investicija koji se dostavljaju Zavodu za planiranje Kantona Sarajevo.

Potrebno je unaprijediti proces identifikacije projekata koji se planiraju u DOB-u sa projektima iz Programa javnih investicija i projektima iz strateških dokumenata i to na način da se u obrazloženju budžetske linije (u eBudget aplikaciji) navede da je projekat kandidovan u Programu javnih investicija i strateškim dokumentima, pod šiframa kako su definisani u tim dokumentima.

U skladu sa navedenim, potrebno je da vaše popunjene tabele u elektronskoj formi (putem aplikacije eBudget) i ostale tabele koje su sastavni dio Budžetske Instrukcije br. 1 (Tabela br. 1 do Tabela br. 8) ovjerene i potpisane u pisanoj formi dostavite Ministarstvu finansija **najkasnije do 15.04.2025. godine, kako je definisano Zakonom o budžetima u FBiH.**

**POMOĆNIK MINISTRA**

**Dr. Amina Moćević**



**MINISTAR**

**Dr. Afan Kalamujić**

Pripremili: Mensura Drakovac  
Nedžad Bašić

Kontrolisali: Nihad Kurtić  
Adin Šendro